

大乘起信論科判

唐賢首闍師義記科判

馬鳴菩薩造  
梁天竺三藏法師真諦譯

此論三分 (甲)初序分 (甲)二正宗分 (甲)三流通分

(甲)初序分二 (乙)初明歸敬三寶二

(丙)初顯能歸誠至

歸命

(丙)二明所敬深廣二 (丁)初明所敬分齊

盡十方。

(丁)二辨所敬三寶二 (戊)初明佛寶

最勝業徧知。色無礙自

在。救世大悲者。

(戊)二明法寶二 (己)初標

及彼身體相。

(己)二釋二 (庚)一釋體大

法性真如海。(庚)

二釋相大

無量功德藏。

(戊)三明僧寶

如實修行等。

歸敬三寶竟

(乙)二中其敬書三

(丙)初舉所為人

為欲令衆生。

(丙)二明所成益二 (丁)初今得難過益

除疑捨邪執。

(丁)二得成行益

起大乘正信。

(丙)三成益意

佛種不斷故。

上來歸敬辨意分竟

(甲)二正宗分二 (乙)初標益起說

論曰。有法能起摩訶行信根。是故應說。

(乙)二正陳所說三 (丙)初標數

說有五分。

(丙)二列名

云何爲五。一者因緣分。二者立義分。三者解釋分。四者修行信心分。五者勸修利益分。

(丙)三依章辨相五 (丁)初因緣分二 (戊)初標

初說因緣分。

(戊)二辨四 (己)初問

問曰。有何因緣而造此論。

(己)二答三 (庚)初舉數

答曰。是因緣有八種。

(庚)二辨相二 (辛)初總

云何爲八。一者因緣總相。所謂爲令衆生離一切苦，得究竟樂。非求世間名利恭敬故。

(辛)二別

二者爲欲解釋如來根本之義。令諸衆生正解不謬故。三者爲令善根成熟衆生，於摩訶行法堪任不退信故。四者爲令善根微少衆生根成熟衆生，於摩訶行法堪任不退信故。

修習信心故。五者為示方便消惡業障，善護其心，遠離癡慢，出邪網故。六者為示修習止觀，對治凡夫二乘心過故。七者為示專念方便，生於佛前，必定不退信心故。八者為示利益勸修行故。

(庚)三總結

有如是等因緣，所以造論。

(己)三難

問曰。脩多羅中具有此法，何須重說。

(己)四通二 (庚)初與彼問辭

答曰。脩多羅中雖有此法。

(庚)二章彼疑情明須作論二 (辛)初舉根緣二相以立宗二

(壬)初根有同異以衆生根行不等，(壬)二緣有增微受解緣別。

(辛)二別釋根緣二 (壬)初說聽俱勝經文尚無紙素之傳何況須論一

(癸)初約勝時以明根勝所謂如來在世，衆生利根。(癸)二明緣勝能說之人色心業勝。圓

音一演，異類等解。則不須論。

(壬)二明根緣微劣須經須論四

(癸)初第一種若如來滅後。或有衆生能以自力廣聞而取解者。(癸)第二種或有衆

生亦以自力少聞而多解者。(癸)第三種或有衆生無自智力，因於廣論而

得解者。(癸)第四種亦有衆生復以廣論文多為煩，心樂總持少文而

攝多義能取解者。(子)二對此若根明衆之與如是此論，為欲總攝如來廣大深法無邊

義故，應說此論。

(丁)二立義分二 (戊)初結前生後

已說因緣分。次說立義分。

(戊)二正彰立義三 (己)初標總開列

摩訶行者總說有二種。

(己)二等開列名

云何為二。一者法。二者義。

(己)三依名辨相二 (庚)初法二 (辛)初舉法總立

所言法者，謂衆生心。是心則攝一切世間法出世間法。依於此心

顯示摩訶行義。

(辛)二開門別立二

相，能示摩訶行自體相用故。(壬)初責總立難何以故。別釋成是心真如相，即示摩訶行體故。是心生滅因緣。釋法章竟。

(庚)二義二 (辛)初辨大二

所言義者則有三種。云何為三。(壬)二釋三初標一者體大。謂一切法

真如平等不增減故。(癸)二相大二者相大。謂如來藏具足無量性功德故

三者用大。能生一切世間出世間善因果故。(癸)三用大

(辛)二釋乘二

一切諸佛本所乘故。(壬)初標果望因以解乘一切菩薩皆乘此法到如來地故。(壬)二衆因望果以成運

。應義分竟

(丁)三解釋分二 (戊)初結前生後

已說立義分。次說解釋分。

(戊)二正明解釋三 (己)初標數

解釋分有三種。

(己)二列名

云何為三。一者顯示正義。二者對治邪執。三者分別發趣道相。

(己)三辨相三 (庚)初顯示正義二 (辛)初總釋三 (壬)初依法開門

顯示正義者。依一心法有二種門。

(壬)二列其二門

云何為二。一者心真如門。二者心生滅門。

(壬)三二門故攝二

(癸)初立是二種門皆各總攝一切法。(癸)二此義云何。以是二門不相離故

。

(辛)二別釋二 (壬)初別釋二門顯動靜不一二 (癸)初釋真如門二 (子)初果如體難言以明觀智境釋上真如義二

(丑)初總舉法體二 (寅)初正明如體二 (卯)初就實略釋

心真如者，即是一法界大總相法門體。所謂心性不生不滅。

(卯)二會妄顯真

一切諸法唯依妄念。而有差別。若離心念，則無一切境界之相

(卯)三結真離妄

是故一切法從本已來。離言說相。離名字相。離心緣相。畢竟平

等。無有變異。不可破壞。唯是一心。故名真如。

(寅)二會執釋名二 (卯)初釋三 (辰)初正會治執

以一切言說，假名無實，但隨妄念，不可得故。言真如者亦無有相。

(辰)二約名釋疑二

(巳)初立名分齊謂言說之極，(巳)二立名之書因言遣言。

(辰)三約相釋遣

此真如體無有可遣，以一切法悉皆真故。亦無可立，以一切法皆同如故。

(卯)二結

當知一切法不可說不可念，故名爲真如。

(丑)二問答釋疑二 (寅)初疑真絕修問

問曰。若如是義者。諸衆生等，云何隨順而能得入。

(寅)二舉真勸修答

答曰。若知一切法雖說無有能說可說。雖念亦無能念可念。是名

隨順。若離於念，名為得入。

(子)二依言辨德以明生信境界上真如相三 (丑)初舉教總標

復次此真如者，依言說分別，有二種義。

(丑)二開章略辨

云何為二。一者如實空。以能究竟顯實故。二者如實不空。以有自體具足無漏性功德故。

(丑)三依章廣釋二 (寅)初釋空三 (卯)初略明

所言空者。從本已來一切染法不相應故。謂離一切法差別之相。以無虛妄心念故。

(卯)二廣釋

當知真如自性。非有相。非無相。非非有相。非非無相。非有無俱相。非一相。非異相。非非一相。非非異相。非一異俱相。

(卯)三總結

乃至總說，依一切衆生以有妄心，念念分別，皆不相應，故說為



空。若離妄心，實無可空故。

(寅)二釋不空四

(卯)初所言不空者。已顯法體空無妄故，(卯)二即是真心，常恆不變，

淨法滿足，(卯)三則名不空。(卯)四亦無有相可取。以離念境界，唯證

相應故。釋真如門竟

(癸)二釋生滅門二 (子)初釋生滅心法二 (丑)初明染淨生滅二 (寅)初就體總標三 (卯)初標體

心生滅者。依如來藏故有生滅心。

(卯)二辨相

所謂不生不滅，與生滅和合，非一非異。

(卯)三立名

名為阿黎耶識。

(寅)二依義別解三 (卯)初釋上心生滅三 (辰)初開數辨德

此識有二種義。能攝一切法，生一切法。

(辰)二寄問列名

云何為二。一者覺義。二者不覺義。

(辰)三依名別釋三 (巳)初辨覺二 (午)初略辨始本二覺二 (未)初本覺二 (申)初顯本覺體

所言覺義者。謂心體離念。離念相者，等虛空界，無所不徧，法界一相，即是如來平等法身。依此法身說名本覺。

(中)二辨本覺名

何以故。本覺義者，對始覺義說。以始覺者，即同本覺。

(未)二始覺

始覺義者，依本覺故而有不覺，依不覺故說有始覺。

(午)二廣明二覺二 (未)初明始覺三 (申)初總攝因果二覺

又以覺心源故，名究竟覺。不覺心源故，非究竟覺。

(申)二廣等四相釋成二 (酉)初正等四相顯其四位四 (戌)初初位四

此義云何。(亥)初能觀人如凡夫人(亥)二所觀相覺知前念起惡故，(亥)三辨觀利益能止後念令

其不起。(亥)四結觀分齊雖復名覺，即是不覺故。

(戌)二第二位四

(亥)初能觀人如二乘觀智，初發意菩薩等，(亥)二所觀相覺於念異，(亥)三辨觀利益念無異相

。以捨處分別執著相故。(亥)四結觀分齊名相似覺。

(戌)三第三位四

如法身菩薩等，(亥)初能觀人覺於念住，(亥)二所觀相念無住相。(亥)三辨觀利益以離分別麤念相故，(亥)四結觀分齊名隨分覺。

(戌)四第四位四

如菩薩地盡，(角)二列明二方便道滿足方便，(元)二無間道一念相應，(亥)二眾所觀覺心初起，(亥)三辨觀利益心無初相。以遠離微細念故，得見心性，心即常住，(亥)四結觀分齊名究竟覺。

(酉)二引經釋成心源無念四 (戌)初引經

是故脩多羅說，若有衆生能觀無念者，則為向佛智故。

(戌)二重釋前文

又心起者，無有初相可知。而言知初相者，即謂無念。

(戌)三舉不覺之失

是故一切衆生不名為覺。以從本來念念相續，未曾離念，故說無始無明。

(戌)四顯覺者之得

若得無念者，則知心相生住異滅。以無念等故。

(中)三明始不異本二

(月)初而實無有始覺之異。(頁)二以四相俱時而有，皆無自立，本來平

等，同一覺故。

(未)二明本覺二 (中)初明隨染本覺三 (頁)初總標

復次本覺隨染分別，生二種相，與彼本覺不相捨離。

(頁)二列名

云何為二。一者智淨相。二者不思議業相。

(頁)三辨相二 (戌)初明智淨相二 (亥)初直明淨相二

(角)初智淨相者。謂依法力熏習，如實修行，滿足方便故。(角)二果二

破和合識相。滅相續心相。(元)二顯現法身，智淳淨故。(元)初斷果

(亥)二問答釋成二 (角)初問(執真同去雜)

此義云何

(角)二答三 (爾妄異真答) (元)初法

以一切心識之相，皆是無明。無明之相，不離覺性。非可壞。非

不可壞。

(元)二喻四

(氏)初真如大海水，因風波動。(氏)二真水相風相不相捨離。(氏)三真而水非

動性。(氏)四息若風止滅，動相則滅，濕性不壞故。

(元)三合七

(氏)初如是衆生自性清淨心，(氏)二合風起因無明風動。(氏)三心與無明俱無

形相，不相捨離。(氏)四合而非動性。(氏)五合若無明滅，(氏)六合相續則

滅。(氏)七合智性不壞故。

(戌)二明不思議業相二

(亥)初不思議業相者。(亥)二釋二以依智淨，能作一切勝妙境界。(角)二別

(辨)四所謂無量功德之相，(元)二豎顯業常無斷絕。(元)三顯業勝隨衆生根

，自然相應，(元)四顯業勝種種而現，得利益故。上東隨染本

(申)二明性淨本覺二  
(酉)初總標

復次覺體相者，有四種大義，與虛空等，猶如淨鏡。

(頁)二別釋 (戌)初如實空鏡二

云何為四。(亥)初一者如實空鏡。(亥)二遠離一切心境界相。無法可現

。非覺照義故。

(戌)二因熏習鏡二

(亥)初二者因熏習鏡。(亥)二釋三謂如實不空。一切世間境界，悉於

中現。不出不入。不失不壞。常住一心。以一切法即真實性故。

(角)二作內熏之因又一切染法所不能染。智體不動，具足無漏，熏眾生故。

(戌)三法出離鏡二

(亥)初三者法出離鏡。(亥)二釋謂不空法，出煩惱礙，智礙。離和合相。

淳淨明故。

(戌)四緣熏習鏡

(亥)初四者緣熏習鏡。(亥)二釋謂依法出離故，徧照眾生之心，令修善根

，隨念示現故。

(己)二明不覺三 (午)初明根本不覺二 (未)初依覺成迷三

(中)初法 所言不覺義者。謂不如實知真如法一故，不覺心起而有其念。  
 念無自相，不離本覺。(中)二喻 猶如迷人，依方故迷。若離於方，  
 則無有迷。(中)三合 衆生亦爾。依覺故迷。若離覺性，則無不覺。

(未)二依迷顯覺二

(中)初明妄有起淨之功 以有不覺妄想心故，能知名義，為說真覺。(中)二明真有待妄之義 若離不覺之心，則無真覺自相可說。

(午)二明枝末不覺二 (未)初無明為因生三細二 (中)初總標

復次依不覺故生三種相。與彼不覺相應不離。

(甲)二別解三 (酉)初無明業相二

云何為三。(戌)初標 一者無明業相。(戌)二釋 以依不覺故心動，說名為業。  
 覺則不動。動則有苦。果不離因故。

(酉)二能見相二

(戌)初標 二者能見相。(戌)二釋 以依動故能見。不動則無見。

(酉)三境界相二

(戊)初標三者境界相。(戌)二釋以依能見故境界妄現。離見則無境界。

(未)二境界為緣生六處二 (中)初總標

以有境界緣故，復生六種相。

(中)二別釋六 (酉)初智相二

云何為六。(戌)初標一者智相。(戌)二釋依於境界，心起分別，愛與不愛故

。

(酉)二相續相二

(戌)初標二者相續相。(戌)二釋依於智故，生其苦樂，覺心起念，相應不斷

故。

(酉)三執取相二

(戌)初標三者執取相。(戌)二釋依於相續，緣念境界，住持苦樂，心起著故

。

(酉)四計名字相二

(戌)初標四者計名字相。(戌)二釋依於妄執，分別假名言相故。

(酉)五起業相二



(戊)初 五者起業相。(戊)二 依於名字，尋名取著，造種種業故。

(四)六業繫苦相二

(戊)初 六者業繫苦相。(戊)二 以依業受果，不自在故。上來末相竟

(午)三結末歸本

當知無明能生一切染法。以一切染法，皆是不覺相故。上來總釋不覺義即約染法辨心生

竟滅

(巳)三雙辨同異三 (午)初總標

復次覺與不覺有二種相

(午)二列名

云何為二。一者同相。二者異相。

(午)三廣辨二 (未)初同相三 (申)初喻

言同相者。譬如種種瓦器，皆同微塵性相。

(申)二合

如是無漏無明種種業幻，皆同真如性相。

(申)三引證二

(西)初是故脩多羅中，依於此真如義故，說一切衆生本來常住入於  
正引涅槃。菩提之法，非可修相，非可作相。畢竟無得。(西)二亦無色  
相可見。而有見色相者。唯是隨染業幻所作。非是智色不空之性  
。以智相無可見故。

(未)二異相二 (中)初喻

言異相者。如種種瓦器，各各不同。

(中)二合

如是無漏無明，隨染幻差別，性染幻差別故。上文染淨不同  
釋心生滅竟

(卯)二釋上生滅因緣二 (辰)初明生滅因緣義二 (巳)初總法

復次生滅因緣者。所謂衆生依心，意，意識轉故。

(巳)二列釋二 (午)初問

此義云何。

(午)二列顯示三 (未)初釋所依心

以依阿黎耶識，說有無明。

(未)二釋意轉三 (申)初略明

不覺而起。能見。能現。能取境界。起念相續。故說為意。

(申)二廣辨二 (酉)初標

此意復有五種名。

(酉)二釋五 (戌)初業識二

云何為五。(亥)初一者名為業識。(亥)二謂無明力不覺心動故。

(戌)二轉識二

(亥)初二者名為轉識。(亥)二依於動心能見相故。

(戌)三現識二

(亥)初三者名為現識。(亥)二釋三(角)初法所謂能現一切境界。(角)二猶如明鏡現於

色像。(角)三現識亦爾。隨其五塵對至即現，無有前後。以一切時

任運而起常在前故。

(戌)四智識二

(亥)初四者名為智識。(亥)二謂分別染淨法故。

(戌)五相續識二

(亥)初五者名為相續識。(亥)二以念相應不斷故。住持過去無量世等善

惡之業令不失故。復能成熟現在未來苦樂等報無差違故。能令現在已經之事，忽然而念。未來之事，不覺妄慮。

(中)三結歸心二 (酉)初正結屬心

是故三界虛偽，唯心所作。離心則無六塵境界。

(酉)二釋疑廣辨三 (戌)初問

此義云何。

(戌)二答

以一切法，皆從心起，妄念而生。一切分別，即分別自心。心不見心，無相可得。

(戌)三結四

(亥)初結相屬心當知世間一切境界，皆依衆生無明妄心而得住持。(亥)二舉喻以況是故

一切法，如鏡中像，無體可得。(亥)三釋外伏疑唯心虛妄。(亥)四反驗唯心顯境成妄以心生則

種種法生。心滅則種種法滅故。

(未)三釋意攝轉二

(中)初 復次言意識者。(中)二釋五 即此相續識。依諸凡夫取著轉深。

(酉)二出 計我我所。種種妄執。(酉)三明執 隨事攀緣。分別六塵。(酉)四

制立其名 名為意識。亦名分離識。又復說名分別事識。(酉)五明識 此識依見

愛煩惱增長義故。上來廣明生滅因緣義竟

(辰)二顯所依因緣體相二 (巳)初略明緣起甚深二 (午)初標歎甚深二

(未)初牒上所說依根本無明起彼靜心成業等識 依無明熏習所起識者。(未)二正歎甚深三 非凡夫能知。亦非

二乘智慧所覺。(中)二菩薩分知 謂依菩薩從初正信發心觀察。若證法身，得

少分知。乃至菩薩究竟地，不能盡知。(中)三唯佛窮了 唯佛窮了。

(午)二釋深所以二

(未)初 何以故。(未)二答三 (中)初即淨常染三 是心從本已來，自性清淨。(酉)二發緣起

而有無明。(酉)三顯緣起之相(即不染而染) 為無明所染，有其染心。(中)二即染常淨 雖有染心，而

常恆不變。(中)三結成難測 是故此義唯佛能知。

(巳)二齊顯緣起差別相二 (午)初顯前緣起體相三 (未)初釋上不變之義

所謂心性常無念故，名為不變。

(未)二顯上無明緣起之由

以不達一法界故，心不相應，忽然念起，名為無明。

(未)三顯上緣起相三 (中)初標

染心者有六種。

(中)二問

云何為六。

(中)三列解六 (百)初執相應染二

(戊)初一者執相應染。(戊)二依二乘解脫，及信相應地遠離故。

(百)二不斷相應染二

(戊)初二者不斷相應染。(戊)二依信相應地修學方便，漸漸能捨，得淨

心地究竟離故。

(百)三分別智相應染二

(戊)初三者分別智相應染。(戊)二依具戒地漸離，乃至無相方便地究竟

離故。

(百)四現色不相應染二

(戌)初 四者現色不相應染。(戌)二 依色自在。地能離故。

(酉)五能見心不相應染二

(戌)初 五者能見心不相應染。(戌)二 依心自在。地能離故。

(酉)六根本業不相應染二

(戌)初 六者根本業不相應染。(戌)二 依菩薩盡地，得入如來地能離故。

(午)二更重科揀三 (未)初辨上無明約治斷科揀二

(申)初 不了一法界義者。(申)二 從信相應地觀察學斷。入淨心

地隨分得離。(酉)二後細者 乃至如來地能究竟離故。

(未)二釋上相應不相應義

言相應義者。謂心念法異。依染淨差別。而知相緣相同故。不相

應義者。謂即心不覺。常無別異。不同知相緣相故。

(未)三舉上染心及無明約境成二礙義二 (申)初標立二

(酉)初 又染心義者，名為煩惱礙。能障真如根本智故。(酉)二 無明義者

，名為智礙。能障世間自然業智故。

(申)二重釋二

(甲)初此義云何。(乙)二答二以依染心，能見能現，妄取境界違平等性

故。(丙)二釋以一切法常靜，無有起相。無明不覺，妄與法違。故不

能得隨順世間一切境界種種知故。上來釋生滅因緣竟

(卯)釋上生滅相三 (辰)初標數起問

復次分別生滅相者有二種。云何為二。

(辰)二列名略顯

一者麤，與心相應故。二者細，與心不相應故。

(辰)三廣釋其相二 (巳)初約人對顯

又麤中之麤，凡夫境界。麤中之細，細中之麤，菩薩境界。細中之細，是佛境界。

(巳)二辨相所依二 (午)初順辨生緣二

(未)初明通釋此二種生滅，依於無明熏習而有。(未)二顯別因所謂依因依緣。依因

者，不覺義故。依緣者，妄作境界義故。

(午)二逆顯滅義二 (未)初正辨三



心滅。  
(中)初明通滅 若因滅，則緣滅。(中)二別顯滅。因滅故，不相應心滅。緣滅故，相應

(未)二釋疑二 (中)初問

問曰。若心滅者，云何相續。若相續者，云何說究竟滅。

(中)二答三 (百)初法

答曰。所言滅者，唯心相滅，非心體滅。

(百)二喻

如風依水而有動相。若水滅者，則風相斷絕，無所依止。以水不滅，風相相續。唯風滅故，動相隨滅，非是水滅。

(百)三合

無明亦爾。依心體而動。若心體滅，則衆生斷絕，無所依止。以體不滅，心得相續。唯癡滅故，心相隨滅，非心智滅。上來釋染淨生滅因緣相竟

(丑)二辨染淨相資四 (寅)初舉數總標

復次有四種法熏習義故，染法淨法起不斷絕。

(寅)二列染淨法名

云何為四。一者淨法，名為真如。二者一切染因，名為無明。三者妄心，名為業識。四者妄境界，所謂六塵。

(寅)三廣釋染淨熏習之義二 (卯)初總釋二

(辰)初熏習義者。如世間衣服，實無於香。若人以香而熏習故，則

有香氣。(辰)二合二 (巳)初染熏此亦如是。真如淨法，實無於染。但以無明而熏

習故，則有染相。(巳)二淨熏無明染法，實無淨業。但以真如而熏習故

，則有淨用。

(卯)二列釋二 (辰)初染二 (巳)初問

云何熏習起染法不斷。

(巳)二答二 (午)初略釋

所謂以依真如法故，有於無明，以有無明染法因故，即熏習真如。以熏習故，則有妄心以有妄心，即熏習無明。不了真如法故，不覺念起現妄境界。以有妄境界染法緣故，即熏習妄心，令其念著，造種種業，受於一切身心等苦。

(午)二廣釋三 (未)初境界重

此妄境界熏習義則有二種。云何為二。一者增長念熏習。二者增長取熏習。

(未)二妄心熏

妄心熏習義有二種。云何為二。一者業識根本熏習。能受阿羅漢辟支佛一切菩薩生滅苦故。二者增長分別事識熏習。能受凡夫業繫苦故。

(未)三無明熏

無明熏習義有二種。云何為二。一者根本熏習。以能成就業識義故。二者所起見愛熏習。以能成就分別事識義故。

(辰)二淨二 (巳)初問

云何熏習起淨法不斷。

(巳)二答二 (午)初略釋二 (未)初正明熏習二

(申)初明真如內熏無明今成淨業(本熏)

所謂以有真如法故，能熏習無明。以熏習因緣力故則

令妄心厭生死苦，樂求涅槃。(中)二即此淨用反其真如增其勢力(新熏)以此妄心有厭求因緣故，即熏習真如。

(未)二辨其功能二

(中)初自信己性，知心妄動，無前境界，修遠離法。以如實知無前境界故，種種方便，起隨順行，不取不念。乃至久遠熏習力故，

(中)二果二無明則滅。以無明滅故，心無有起。以無起故，境界隨滅

(頁)初滅。以因緣俱滅故，心相皆盡，名得涅槃，成自然業。

(午)二廣二 (未)初明妄心熏習二

(中)初妄心熏習義有二種。(中)二云何為二。一者分別事識熏習。依諸

凡夫二乘人等，厭生死苦，隨力所能，以漸趣向無上道故。二者意熏習。謂諸菩薩發心勇猛，速趣涅槃故。

(未)二顯真如熏習三 (中)初標數

真如熏習義有二種。

(中)二列名

云何爲二。一者自體相熏習。二者用熏習。

(中)三辨相二 (酉)初別釋二 (戌)初體相二 (亥)初正顯二

(角)初辨熏習

自體相熏習者。從無始世來，具無漏法。備有不思議業，作境界之性。(角)二顯熏功能依此二義恆常熏習。以有力故，能令衆生厭生死苦，樂求涅槃自信己身有真如法，發心修行。

(亥)二除疑二 (角)初問

問曰。若如是義者，一切衆生悉有真如，等皆熏習。云何有信無信，無量前後差別。皆應一時自知有真如法，勤修方便，等入涅槃。

(角)二答二 (元)初通體明內熏不無

答曰。真如本一。

(元)二明染淨結緣顯成前後二 (氏)初約染惑對緣起有厚薄

而有無量無邊無明，從本已來，自性差別，厚薄不同故。過恆沙等上煩惱，依無明起差別。我見愛染煩惱，依無明起差別。如是

一切煩惱，依於無明所起，前後無量差別。唯如來能知故。

(氏)二約淨法賴緣前後差異三 (房)初法

又諸佛法有因有緣。因緣具足，乃得成辦。

(房)二喻

如木中火性，是火正因。若無人知，不假方便，能自燒木，無有是處。

(房)三合二 (心)初明因緣互關之失

衆生亦爾。雖有正因熏習之力，若不過諸佛菩薩善知識等以之爲緣，能自斷煩惱入涅槃者，則無是處。若雖有外緣之力，而內淨法未有熏習力者，亦不能究竟厭生死苦樂求涅槃。

(心)二明性用相應之得二

(尾)初辨其緣若因緣具足者，所謂自有熏習之力，又爲諸佛菩薩等慈悲願

護故，(尾)二明熏益二 (其)初明自分能起厭苦之心，信有涅槃，修習善根。(其)二明以修

善根成熟故，則值諸佛菩薩示教利喜，乃能進趣向涅槃道。

(戌)二用大二 (亥)初指事總標

用熏習者。即是衆生外緣之力。

(亥)二約緣別顯三 (角)初標

如是外緣有無量義略說二種。

(角)二列

云何爲二。一者差別緣。二者平等緣。

(角)三釋二 (元)初差別緣二 (氏)初總二

(房)初明感用因差別緣者。此人依於諸佛菩薩等，從初發意始求道時，乃至

得佛，於中若見若念。(房)二正明用相二 (尾)初開總成別五 (心)初正明差別之用二或爲眷屬父母諸親

。(其)二居卑以引物或爲給使。(其)三同類以勤發或爲知友。(其)四備之以入道或爲怨家。(其)五直以四法攝今修益或

起四攝。(尾)二攝別成總乃至一切所作無量行緣。(心)二辨用之益以起大悲熏習之力。

能令衆生增長善根。若見若聞得利益故。

(氏)二別開二

(房)初就報熟不熟開遠近二緣此緣有二種。云何爲二。一者近緣。速得度故。二者遠

緣。久遠得度故。(庚)二就前遠近復各開為二是近遠二緣，分別復有二種。云何為二。一者增長行緣。二者受道緣。

(九)二平等緣二

(氏)初明能作緣者

平等緣者。一切諸佛菩薩，皆願度脫一切衆生，自然熏習

恆常不捨。以同體智力故，隨應見聞而現作業。(氏)二明對機顯平等義所謂衆生

依於三昧，乃得平等見諸佛故。上來列明靈用竟

(百)二合明二 (戌)初標

此體用熏習，分別復有二種。

(戌)二釋二 (亥)初未相應三

云何為二。(角)初約位衆人一者未相應。謂凡夫二乘初發意菩薩等，(角)二辨行劣

以意識熏習，依信力故而修行。(角)三明未相應二 (元)初明無正體智故未與法身體相應未得無分別

心，與體相應故。(元)二以無接真後得智故未與應化身用相應未得自在業修行，與用相應故。

(亥)二已相應三

(角)初顯人位二者已相應。謂法身菩薩，(角)二正得無分別心，與諸佛智用相



應。(角)三明唯依法力自然修行，熏習真如滅無明故。明淨法熏竟，上來初別明，次

合釋，總明第三染淨熏義竟。

(寅)四明染淨盡不盡義二 (卯)初明染法遠真無始有終

復次染法從無始已來，熏習不斷。乃至得佛，後則有斷。

(卯)二明淨法順理有始無終二

(辰)初淨法熏習，則無有斷，盡於未來。(辰)二此義云何。以真如法常

熏習故，妄心則滅，法身顯現，起用熏習，故無有斷。上來釋生滅門中能顯義之法竟

(子)二釋生滅門中所顯之義大二 (丑)初釋體相二大二 (寅)初總標二大名

復次真如自體相者。

(寅)二別釋二大義二 (卯)初明體大義

一切凡夫聲聞緣覺菩薩諸佛，無有增減。非前際生。非後際滅。

畢竟常恆。

(卯)二釋相大義二 (辰)初正明性德二

(巳)初明德相三從本已來，性自滿足一切功德。(午)二別大所謂自體有大

(未)初本覺智明義

智慧光明義故。(未)二本覺顯照諸法義徧照法界義故。(未)三顯照之時無倒義真實識知義故。

(未)四性離染義自性清淨心義故。(未)五性備開備義常樂我淨義故。(未)六性德無違義清涼不變自

在義故。(午)三結具足如是過於恆沙不離不斷不異不思議佛法。乃至

滿足無有所少義故。(巳)二顯立名名為如來藏。亦名如來法身。

(辰)二問答重釋二 (巳)初執體異相違

問曰。上說真如其體平等，離一切相。云何復說體有如是種種功德。

(巳)二相不違體答二 (午)初明雖差別而不二

(未)初明實德雖多同一如味答曰。雖實有此諸功德義。而無差別之相。等同一味。

唯一真如。(未)二釋成不二此義云何。以無分別。離分別相。是故無二。

(午)二明雖不二而差別二

(未)初略復以何義得說差別。以依業識生滅相示。(未)二廣二 (中)初問對恐表示之相此云何

示。(中)二舉彼染法一一對顯以一切法本來唯心，實無於念。而有妄心，不覺起念

，見諸境界，故說無明。心性不起，即是大智慧光明義故。若心

起見，則有不見之相。心性離見，即是徧照法界義故。若心有動，非真識知，無有自性，非常非樂非我非淨，熱惱衰變則不自在，乃至具有過恆沙等妄染之義。對此義故，心性無動，則有過恆沙等諸淨功德相義示現。若心有起，更見前法可念者，則有所少。如是淨法無量功德，即是一心，更無所念，是故滿足，名為法身如來之藏。

(丑)二別解用大二 (寅)初總明二 (卯)初對因果因三

(辰)初來本正行復次真如用者。所謂諸佛如來，本在因地，發大慈悲，修諸波羅密，攝化衆生。(辰)二來本大願二 (巳)初廣大心立大誓願，盡欲度脫等衆生界。

(巳)二長中心亦不限劫數，盡於未來。(辰)三來悲智大方便(不顛倒心)四 (巳)初顯悲深以取一切衆生如

己身故。(巳)二明智深而亦不取衆生相。(巳)三後前悲智深所以此以何義。(巳)四

依真如們答顯深謂如實知一切衆生及與己身，真如平等無別異故。

(卯)二勝因顯果三

(辰)初階 以有如是大方便智。(辰)二自 除滅無明。見本法身。(辰)三正

(利他) 自然而有不思議業種種之用。即與真如等徧一切處。又亦無

有用相可得。何以故。謂諸佛如來，唯是法身智相之身。第一義

諦。無有世諦境界。離於施作。但隨衆生見聞得益。故說爲用。

(寅)二別釋二 (卯)初標

此用有二種。

(卯)二釋二 (辰)初正顯用相二 (巳)初直顯其用二 (午)初明應身

云何爲二。一者依分別事識。凡夫二乘心所見者，名爲應身。以不知轉識現故，見從外來，取色分齊，不能盡知故。

(午)二明報身三 (未)初約識衆人

二者依於業識。謂諸菩薩從初發意乃至菩薩究竟地心所見者，名爲報身。

(未)二明所見報相二

(中)初 身有無量色。色有無量相。相有無量好。(中)二 所住依果亦有無

正報

依報

量。種種莊嚴，隨所示現，即無有邊，不可窮盡，離分齊相。隨其所應，常能住持，不毀不失。

(未)三結果由因祥顯報名

如是功德，皆因諸波羅密等無漏行熏，及不思議熏之所成就，具足無量樂相，故說爲報身。

(巳)二重牒分別二 (午)初應身(簡凡異小)

又爲凡夫所見者，是其羸色。隨於六道各見不同。種種異類。非受樂相。故說爲應身。

(午)二報身(簡比異證)二 (未)初明地前所見

復次初發意菩薩等所見者。以深信真如法故，少分而見。知彼色相莊嚴等事，無來無去，離於分齊。唯依心現，不離真如。然此菩薩猶自分別。以未入法身位故。

(未)二顯地上所見

若得淨心，所見微妙，其用轉勝。乃至菩薩地盡，見之究竟。若

離業識，則無見相。以諸佛法身，無有彼此色相迭相見故。

(庚)二問答除疑二 (己)初問

問曰。若諸佛法身離於色相者，云何能現色相。

(乙)二答二

(午)初解法身能現二 (未)初總 答曰。即此法身是色體故，能現於色。(未)二所謂從本

已來，色心不二。以色性即智故，色體無形，說名智身。以智性

即色故，說名法身徧一切處。(午)二解所現之色無有分齊。隨心能

示十方世界，無量菩薩，無量報身，無量莊嚴，各各差別，皆無

分齊，而不相妨。此非心識分別能知。以真如自在用義故。上來解生滅門中法

義二章竟○初解真如門，次解生滅門，總是大觀第一列解二門顯不一義竟。

(壬)二明會相入實顯動靜不異三 (癸)初緣

復次顯示從生滅門即入真如門。所謂推求五陰，色之與心。

(癸)二解二 (子)初觀色法

六塵境界，畢竟無念。以心無形相，十方求之終不可得。

(子)二觀心法二

(丑)初 如人迷故，謂東為西，方實不轉。(丑)二 衆生亦爾。無明迷故，謂心為念，心實不動。

(癸)三總結

若能觀察知心無念，即得隨順入真如門故。上來顯示正義竟

(庚)二對治邪執二 (辛)初就本總標

對治邪執者。一切邪執，皆依我見。若離於我，則無邪執。

(辛)二別明障治二 (壬)初對治離三 (癸)初標數

是我見有二種。

(癸)二列名

云何為二。一者人我見。二者法我見。

(癸)三辨相二 (子)初人我見二 (丑)初總標

人我見者。依諸凡夫說有五種。

(丑)二別解五。 (寅)初妄執事空以為法體三 (卯)初起執緣

云何為五。一者聞脩多羅說，如來法身，畢竟寂寞，猶如虛空。

以不知為破著故，即謂虛空是如來性。

(卯)二正明執相

(卯)三辨對治相二

云何對治。

(辰)初明此虛空是妄非真三  
(巳)初立二  
(午)初立情有

明虛空相是其妄法。

(午)二立  
理無

體無不實。

(巳)二辨二  
(午)初明情有

以對色故有。是可見相。令心生滅。

(午)二辨  
理無

以一切色法，本

來是心，實無外色。若無外色者，則無虛空之相。

(巳)三結二  
(午)初結情有

所謂一

切境界，唯心妄起故有。

(午)二結  
理無

若心離於妄動，則一切境界滅，

(辰)二明彼法身是真非妄二  
(巳)初辨法同喻

唯一真心無所不徧。

(巳)二結  
法異喻

此謂如來廣大性智究竟

之義，非如虛空相故。

(寅)二妄執法體唯是空無三

(卯)初起執緣

二者聞脩多羅說，世間諸法畢竟體空，乃至涅槃真如之法亦畢竟空，從本已來自空，離一切相。

(卯)二正明執相

以不知為破著故，即謂真如涅槃之性唯是其空。



(卯)三辨對治相

云何對治，明真如法身自體不空，具足無量性功德故。

(寅)三執性德同色心三 (卯)初起執緣

三者聞脩多羅說，如來之藏無有增減，體備一切功德之法。

(卯)二正明執相

以不解故，即謂如來之藏有色心法自相差別。

(卯)三辨對治相

云何對治。以唯依真如義說故。因生滅染義示現說差別故。

(寅)四執法性本有染三 (卯)初起執緣

四者聞脩多羅說，一切世間生死染法，皆依如來藏而有，一切諸法不離真如。

(卯)二正明執相

以不解故，謂如來藏自體具有一切世間生死等法。

(卯)三辨對治相二

云何對治。(辰)初泰破三以如來藏從本已來唯有過恆沙等諸淨功德，(巳)初明淨德妙有

不離不斷，不異真如義故。(已)二明妄染理無以過恆沙等煩惱染法，唯是妄有，性自本無，(已)三明妄不人真從無始世來未曾與如來藏相應故。(辰)二若如來藏體有妄法，而使證會永息妄者，則無是處故。

(寅)五執染淨有始終三 (卯)初起執緣

五者聞脩多羅說，依如來藏故有生死，依如來藏故得涅槃。

(卯)二正明執相

以不解故，謂衆生有始。以見始故，復謂如來所得涅槃有其終盡，還作衆生。

(卯)三辨對治相二

云何對治。(辰)初明法體離始則顯生死無初以如來藏無前際故，無明之相亦應有始。若

說三界外更有衆生始起者，即是外道經說。(辰)二明法體離終則顯涅槃無盡又如來藏無

有後際，諸佛所得涅槃與之相應。則無後際故。

(子)二法我見三 (丑)初起執之由

法我見者。依二乘鈍根故，如來但為說人無我

(丑)二顯其執相

以說不究竟，見有五陰生滅之法，怖畏生死，妄取涅槃。

(丑)三顯其對治

云何對治。以五陰法自性不生，則無有滅，本來涅槃故。

(士)二究竟離 (癸)初約法明治二

(子)初約法總顯復次究竟離妄執者。當知染法淨法皆悉相待，無有自相可說。

(子)二舉類廣求是故一切法從本已來，非色非心，非智非識，非有非無，

畢竟不可說相。

(癸)二會釋伏疑三

(子)初正會伏疑而有言說者，當知如來善巧方便，假以言說引導眾生。(子)二辨定聖意

其旨趣者，皆為離念歸於真如。(子)三返以釋成以念一切法令心生滅，不入

實智故。

(庚)三分別發趣道相二 (辛)初總標大意以顯其名

分別發趣道相者。謂一切諸佛所證之道，一切菩薩發心修行趣向

義故。

(辛)二別開分別三 (壬)初標數

略說發心有三種。

(壬)二列名

云何為三。一者信成就發心。二者解行發心。三者證發心。

(壬)三辨相三 (癸)初信成就發心三 (子)初明信心成就之行二 (丑)初問

信成就發心者。依何等人，修何等行，得信成就，堪能發心。

(丑)二答二 (寅)初正答前問二 (卯)初答三問二

(辰)初答所謂依不定聚眾生，(辰)二答第二問二有熏習善根力故，信業果報

，能起十善，厭生死苦，欲求無上菩提。(巳)二明修行緣得值諸佛，親承供

養。修行信心，(辰)三答第三問二經一萬劫。信心成就故，(巳)二約勝緣諸佛

菩薩教令發心。或以大悲故，能自發心。或因正法欲滅，以護法

因緣，能自發心。

(卯)二結成位

如是信心成就得發心者，入正定聚，畢竟不退。名住如來種中，正因相應。

(寅)二眾劣顯勝二 (卯)初明劣相二 (辰)初內因力微二

(己)初若有眾生善根微少。久遠已來煩惱深厚。(己)二德薄三雖值於佛亦得供養。然起人天種子。(午)二異求小果或起二乘種子。(午)三猶據大乘設有求大乘者

，根則不定，若進若退。

(辰)二外緣力劣二

(己)初明行時未滿或有供養諸佛未經一萬劫，(己)二過緣不勝四於中遇緣亦有發心。

所謂見佛色相而發其心。(午)二供大衆或因供養眾僧而發其心。(午)三劣友勸或因

二乘之人教令發心。(午)四學他發或學他發心。

(卯)二結成退失

如是等發心，悉皆不定，遇惡因緣，或便退失墮二乘地。

(子)二顯發心之相二 (丑)初正明三心二

(寅)初復次信成就發心者，發何等心，(寅)二答二 (卯)初標數略說有三種。(卯)二云何別釋

為三。一者直心。正念真如法故。二者深心。樂集一切諸善行故。三者大悲心。欲拔一切衆生苦故。

(丑)二問答除疑二 (寅)初問

問曰。上說法界一相，佛體無二。何故不唯念真如。復假求學諸善之行。

(寅)二答二 (卯)初正答前問二 (辰)初喻

答曰。譬如大摩尼寶，體性明淨，而有鑿穢之垢。若人雖念寶性，不以方便種種磨治，終無得淨。

(辰)二合三

(巳)初正合前文如是衆生真如之法體性空淨，而有無量煩惱染垢。若人雖念真如，不以方便種種熏修，亦無得淨。(巳)二釋兼修行所以

故修一切善行以為對治。(巳)三明善行順真若人修行一切善法，自然歸順真

如法故。

(卯)二重顯方便二 (辰)初攝教

略說方便有四種。

(辰)二別釋三 (巳)初無住行三

云何為四。(午)初一者行根本方便。(午)二釋相二 (未)初智謂觀一切法自性無生，

離於妄見，不住生死。(未)二悲觀一切法因緣和合，業果不失，起於

大悲，修諸福德，攝化衆生，不住涅槃。(午)三明 修意以隨順法性無住故

(巳)二自利行二 (午)初斷德三

(未)初二者能止方便。(未)二釋相謂慚愧悔過，能止一切惡法不令增長。(未)三

明修 意以隨順法性離諸過故。

(午)二智德三

(未)初三者發起善根增長方便。(未)二釋相二 (中)列約緣修行謂勤供養禮拜三寶，讚歎隨

喜，勸請諸佛。(中)二辨修行成益二 (酉)初生智益以愛敬三寶淳厚心故，信得增長，乃

能志求無上之道。(酉)二明 滅障益又因佛法僧力所護故，能消業障，善根不

退。(未)三明 修意以隨順法性離癡障故。

(己)三利他行三

(子)初四者大願平等方便。(午)二釋相三所謂發願盡於未來，(未)二廣化度一

切衆生使無有餘。(未)三第皆令究竟無餘涅槃。(午)三明修意二以隨順法性

無斷絕故。(未)二明起大願法性廣大，徧一切衆生，平等無二，不念彼

此，究竟寂滅故。(未)亦即常心

(子)三顯發心利益四 (丑)初顯勝德二

(寅)初自菩薩發是心故，則得少分見於法身。(寅)二明八以見法身故，隨

其願力能現八種利益衆生。所謂從兜率天退，入胎，住胎，出胎

，出家，成道，轉法輪，入於涅槃。

(丑)二明做過二

(寅)初具然是菩薩未名法身。以其過去無量世來有漏之業未能決斷。

遂其所生與微苦相應。(寅)二具亦非業繫。以有大願自在力故。

(丑)三通權教二

(寅)初如脩多羅中，或說有退墮惡趣者。(寅)二非其實退。但為初學菩



薩未入正位而懈怠者恐怖，令彼勇猛故。

(丑)四款實行二

(寅)初於下不聽 又是菩薩一發心後，遠離怯弱，畢竟不畏墮二乘地。(寅)二於上怯若

聞無量無邊阿僧祇劫，勤苦難行乃得涅槃，亦不怯弱。以信知一切法從本已來自涅槃故。

(癸)二解行發心二 (子)初總攝歡勝

解行發心者。當知轉勝。

(子)二顯其勝相二

(丑)初舉時顯勝 以是菩薩從初正信已來。於第一阿僧祇劫將欲滿故。(丑)二明其

(寅)初總 於真如法中，深解現前，所修離相。(寅)二別 以知法性體無慳貪

故，隨順修行檀波羅密。以知法性無染，離五欲過故，隨順修行尸波羅密。以知法性無苦，離瞋惱故，隨順修行羼提波羅密。以知法性無身心相，離懈怠故，隨順修行毗梨耶波羅密。以知法性常定，體無亂故，隨順修行禪波羅密。以知法性體明，離無明故

，隨順修行般若波羅密。

(癸)三證發心三 (子)初通明發心體三 (丑)初標地位

證發心者。從淨心地，乃至菩薩究竟地，證何境界。所謂真如。

(丑)二明行體 (即根本智)

以依轉識說為境界。而此證者無有境界。唯真如智。名為法身。

(丑)三明勝用四 (即後得智) (寅)初請法上首德二

(卯)初正明請法是菩薩於一念頃，能至十方無餘世界，供養諸佛，請轉法輪。

。 (卯)二顯其請法唯為開導利益衆生，不依文字。

(寅)二隨根延促德三

(卯)初促二 (辰)初果用 或示超地速成正覺， (辰)二以爲怯弱衆生故。 或說我

於無量阿僧祇劫當成佛道， (辰)二以爲懈慢衆生故。 能示如是無

數方便，不可思議。

(寅)三實行不殊德四

(卯)初因等而實菩薩種性根等， (卯)二行等發心則等， (卯)三真等所證亦等， (卯)四時等無有

超過之法。以一切菩薩皆經三阿僧祇劫故。

(寅)四應機殊用德

但隨衆生世界不同。所見所聞根欲性異。故示所行亦有差別。

(子)二明發心相二

(丑)初狀細按數 又是菩薩發心相者，有三種心微細之相。云何爲三。(丑)二列名釋相三

(寅)初根本無分別智 一者真心。無分別故。(寅)二後得智 二者方便心。自然徧行利益衆

生故。(寅)三二智所依阿黎耶識 三者業識心。微細起滅故。

(子)三明成滿德二 (丑)初正顯勝德二

(寅)初總辨德滿位顯二 (卯)初因位窮 又是菩薩功德成滿，(卯)二果位彰 於色究竟處示一切世間最

高大身。(寅)二別明德滿二 (卯)初明自利行滿 謂以一念相應慧，無明頓盡，名一切種智。

(卯)二解利他德 自然而有不思議業，能現十方利益衆生。

(丑)二問答除疑二 (寅)初問上種智二 (卯)初問二

(辰)初陳疑 問曰。虛空無邊故，世界無邊。世界無邊故，衆生無邊。衆

生無邊故，心行差別亦復無邊。如是境界，不可分齊，難知難解

○ (辰)二正設難 若無明斷無有心想，云何能了名一切種智。

(卯)二答三

(辰)初立正理 答曰。一切境界，本來一心，離於想念。(辰)二眾非顯夫二初妄見有限之境 以眾生

妄見境界，故心有分齊。(巳)二釋成無見所由 以妄起想念，不稱法性，故不能

決了。(辰)三眾是彰得 諸佛如來離於見想，無所不徧。心真實故，即是諸法

之性。自體顯照一切妄法。有大智用無量方便。隨諸眾生所應得

解。皆能開示種種法義。是故得名一切種智。

(寅)二同上自然業用二 (卯)初問二

(辰)初陳疑 又問曰若諸佛有自然業能現一切處利益眾生者。一切眾生，

若見其身，若親神變，若聞其說，無不得利。(辰)二設難 云何世間多不

能見。

(卯)二答三

(辰)初法 答曰。諸佛如來法身平等，徧一切處，無有作意故，而說自

然。但依眾生心現。(辰)二喻 眾生心者，猶如於鏡。鏡若有垢，色像

不現。(辰)三合如是衆生心若有垢。法身不現故。解釋分竟

(丁)四修行信心分三 (戊)初就人標意

已說解釋分。次說修行信心分。是中依未入正定衆生，故說修行信心。

(戊)二約法廣辨二 (己)初興二問

何等信心。云何修行。

(己)二運兩答二 (庚)初答信心二

(辛)初標數略說信心有四種。云何爲四。(辛)二列釋一者信根本。所謂樂念真如

法故。二者信佛有無量功德。常念親近供養恭敬，發起善根，願求一切智故。三者信法有大利益。常念修行諸波羅密故。四者信僧能正修行自利利他。常樂親近諸菩薩衆，求學如實行故。

(庚)二答修行三 (辛)初舉數標意

修行有五門，能成此信。

(辛)二問數列名

云何為五。一者施門。二者戒門。三者忍門。四者進門。五者止觀門。

(辛)三休開別解二 (壬)初四行略明二 (癸)初顯四行相四 (子)初施門三

云何修行施門。(丑)初財施若見一切來求索者，所有財物隨力施與，以

自捨慳貪，令彼歡喜。(丑)二無畏施若見厄難恐怖危逼，隨已堪任，施與

無畏。(丑)三法施若有衆生來求法者。隨已能解，方便為說。不應貪求

名利恭敬。唯念自利利他，迴向菩提故。

(子)二戒門三

云何修行戒門。(丑)初攝律儀戒所謂不殺不盜不淫，不兩舌不惡口不妄言不

綺語，遠離貪嫉欺詐諂曲瞋恚邪見。(丑)二攝善法戒若出家者，為折伏煩惱

故，亦應遠離憤鬧，常處寂靜，修習少欲知足頭陀等行。乃至小

罪，心生怖畏，慚愧改悔。不得輕於如來所制禁戒。(丑)三攝衆生成當護譏

嫌，不令衆生妄起過罪故。

(子)三忍門二

云何修行忍門。(丑)初他不受忍所謂應忍他人之惱，心不懷報。(丑)二安忍亦當

忍於利衰毀譽稱譏苦樂等法故。

(子)四進門三

云何修行進門。(丑)初勤勇精進所謂於諸善事，心不懈退。(丑)二難壞精進立志堅強，

遠離怯弱。(丑)三無足精進當念過去久遠已來，虛受一切身心大苦，無有利

益。是故應勤修諸功德，自利利他。速離眾苦。

(癸)二別就進門明除障方便二

(子)初障二復次若人雖修行信心。以從先世來，多有重罪惡業障故，

(丑)報障為邪魔諸鬼之所惱亂。或為世間事務種種牽纏。或為病苦所

惱。有如是等眾多障礙。(子)二治是故應當勇猛精勤，晝夜六時。禮

拜諸佛，誠心懺悔，勸請隨喜，迴向菩提，常不休廢。得免諸障

，善根增長故。

(士)二一行廣說二 (癸)初寄問

云何修行止觀門。

所言止者，謂止一切境界相，隨順奢摩他觀義故。

(癸)二釋相二 (子)初略明三 (丑)初止

所言觀者，謂分別因緣生滅相，隨順毗鉢舍那觀義故。

(丑)三雙顯

云何隨順。以此二義漸漸修習，不相捨離，雙現前故。

(子)二廣說三 (丑)初修正五 (寅)初修正方法二 (卯)初修入能入二 (辰)初托靜息心修正方便二 (巳)初約外緣

若修止者。住於靜處，端坐正意。

(巳)二內自安心初修正法第二 (午)初約坐修正二

(未)初難  
倒境不依氣息。不依形色。不依於空。不依地水火風。乃至不依

見聞覺知。(未)二除休前倒境所  
生妄想之心亦遣一切諸想，隨念皆除。亦遣除想。以一切

法本來無相，念念不生，念念不滅。亦不得隨心外念境界，後以

心除心。心若馳散，即當攝來住於正念。是正念者，當知唯心，

無外境界。即復此心亦無自相。念念不可得。

(午)二約餘成儀修正



若從坐起，去來進止，有所施作。於一切時，常念方便，隨順觀察。

(辰)二止成得定除障不退三

(巳)初止成久習淳熟，其心得住。(巳)二明止力附心猛利得定以心住故，漸漸猛利，隨順得

入真如三昧。(巳)三明伏惑入位(即信滿入位)深伏煩惱，信心增長，速成不退。

(卯)二淨信不能

唯除疑惑，不信，誹謗，重罪業障，我慢，懈怠，如是等人所不能入。

(寅)二顯止勝能二

(卯)初能生一行三昧三(辰)初立復次依是三昧故，則知法界一相。(辰)二釋顯其相謂一切諸佛

法身與衆生身平等無二，(辰)三顯其名即名一行三昧。(卯)二能生無量三昧當知真如是

三昧根本。若人修行，漸漸能生無量三昧。

(寅)三辨其魔事二(卯)初略明魔事二

(辰)初障或有衆生無善根力，則為諸魔外道鬼神之所惑亂。若於坐中

現形恐怖。或現端正男女等相。(辰)二當念唯心，境界則滅，終不

為惱。上來略明竟

(卯)二廣辨魔事二

(辰)初先顯魔事五  
(巳)初現形說法

或現天像，菩薩像。亦作如來像，相好具足。或說陀

羅尼。或說布施持戒忍辱精進禪定智慧。或說平等空無相無願。

無怨無親。無因無果。畢竟空寂。是真涅槃。(巳)二得  
通起辨或令人知宿命

過去之事。亦知未來之事。得他心智。辨才無礙。能令衆生貪著

世間名利之事。(巳)三起  
惑進業又令使人數瞋數喜，性無常準。或多慈愛，

多睡多病，其心懈怠。或卒起精進，後便休廢。生於不信，多疑

多慮。或捨本勝行，更修雜業。若著世事種種牽纏。(巳)四投  
定得辨亦能使

人得諸三昧少分相似。皆是外道所得，非真三昧。或復令人若一

日若二日若三日乃至七日住於定中，得自然香美飲食，身心適悅

，不飢不渴，使人愛著。(巳)五食  
美福覺或亦令人食無分齊，乍多乍少，顏

色變異。(辰)二明其對治以是義故。行者常應智慧觀察，勿令此心墮於邪網。當勤正念，不取不著，則能遠離是諸業障。

(寅)四簡偽異真二 (卯)初舉外內二定以別邪正二

(辰)初明邪定應知外道所有三昧，皆不離見愛我慢之心貪著世間名利恭敬

故。(辰)二明正定真如三昧者，不住見相，不住得相。乃至出定，亦無懈

慢。所有煩惱，漸漸微薄。

(卯)二對理事二定以明真偽二

(辰)初明理定若諸凡夫不習此三昧法，得入如來種性，無有是處。(辰)二明以事定

修世間諸禪三昧，多起味著，依於我見，繫屬三界，與外道共。

若離善知識所護，則起外道見故

(寅)五示益勤修二 (卯)初總標

復次精勤專心修學此三昧者，現世當得十種利益。

(卯)二別解三 (辰)初善友攝護益

云何為十。一者常為十方諸佛菩薩之所護念。

(辰)二障障益二

(巳)初障外惡緣障二  
(午)初障天魔現形

二者不為諸魔惡鬼所能恐怖。

(午)二障外  
道邪惑

三者不為九十五

種外道鬼神之所惑亂。

(巳)二障內  
初障惡業

四者遠離誹謗甚深之法，重罪

業障漸漸微薄。

(午)二減  
惡障

五者滅一切疑諸惡覺觀。

(辰)三行成堅固益五

(巳)初於  
理信增

六者於如來境界信得增長。

(巳)二處  
惡不法

七者遠離憂悔，於生死中勇

猛不怯。

(巳)三不  
為緣壞

八者其心柔和，捨於憍慢。不為他人所惱。

(巳)四無  
世滋味

者雖未得定，於一切時一切境界處，則能減損煩惱，不樂世間。

(巳)五得  
深得定

十者若得三昧，不為外緣一切音聲之所驚動。

到修止  
門竟

(丑)二修觀三

(寅)初明修觀意

復次若人唯修於止，則心沈沒。或起懈怠，不樂眾善，遠離大悲

。是故修觀。

(寅)辨觀相四

(卯)切法相觀四

(辰)初明  
無常觀  
修習觀者。當觀一切世間有為之法，無得久停，須臾變壞。

一切心行，念念生滅，以是故苦。(辰)三  
無我觀應觀過去所念諸法，恍惚如夢。應觀現在所念諸法。猶如電光。應觀未來所念諸法，猶如於雲忽爾而起。(辰)四  
明不淨觀應觀世間一切有身。悉皆不淨，種種穢汙，無一可樂。

(卯)二  
大悲觀

如是當念一切衆生，從無始世來，皆因無明所熏習故，令心生滅，已受一切身心大苦。現在即有無量逼迫。未來所苦亦無分齊。難捨難離，而不覺知。衆生如是，甚為可愍。

(卯)三  
大願觀

作此思惟，即應勇猛立大誓願。願令我心離分別故，徧於十方修行一切諸善功德。盡其未來。以無量方便救拔一切苦惱衆生，令得涅槃第一義樂。

(卯)四  
精進觀

以起如是願故，於一切時一切處，所有衆善，隨己堪能，不捨修

學，心無懈怠。

(寅)三結觀分齊

唯除坐時專念於止。若餘一切，悉當觀察應作不應作。上來別修止觀竟

(丑)三明雙運三 (寅)初總標

若行若住，若卧若起，皆應止觀俱行。

(寅)二別辨二 (卯)初約法明俱二

(辰)初即止之觀所謂雖念諸法自性不生，而復即念因緣和合，善惡之業，苦樂等報，不失不壞。(辰)二即觀之止雖念因緣善惡業報，而亦即念性不可得。

(卯)二對障明俱

若修止者，對治凡夫住著世間，能捨二乘法弱之見若修觀者，對治二乘不起大悲狹劣心過，遠離凡夫不修善根。

(寅)三總結

以此義故，是止觀二門共相助成，不相捨離。若止觀不具，則無

能入菩提之道。

(戊)三防退方法二 (己)初明可退之人二

(庚)初標行劣復次衆生初學是法，欲求正信，其心怯弱。(庚)二舉處釋成以住於此娑婆世界，自畏不能常值諸佛，親承供養。懼謂信心難可成就，意欲退者。

(己)二明防退之法二 (庚)初通舉聖意二

(辛)初標聖善巧當知如來有勝方便，攝護信心。(辛)二釋顯巧相謂以專意念佛因緣，隨願得生他方佛土，常見於佛，永離惡道。

(庚)二別引經證二

(辛)初引經如脩多羅說，若人專念西方極樂世界阿彌陀佛，所修善根迴向願求生彼世界，即得往生。(辛)二釋經文常見佛故，終無有退。若觀彼佛真如法身，常勤修習，畢竟得生住正定故。

(丁)五勤修利益分三 (戊)初總結前說

已說修行信心分。次說勸修利益分。如是摩訶衍諸佛祕藏，我已

總說。

(戊)二舉信謗損益二 (己)初信受福勝二 (庚)初約三慧總舉其益

若有衆生欲於如來甚深境界得生正信，遠離誹謗，入大乘道。當持此論，思量修習。究竟能至無上之道。

(庚)二別顯三慧益相三 (辛)初聞時益

若人聞是法已，不生怯弱。當知此人定紹佛種。必為諸佛之所授記。

(辛)二思時益

假使有人能化三千大千世界滿中衆生令行十善。不如有人於一食頃正思此法。過前功德不可為喻。

(辛)三修行時益三

(壬)初時少德多復次若人受持此論，觀察修行，若一日一夜，所有功德，無量無邊，不可得說。(壬)二校量多相假令十方一切諸佛，各於無量無邊阿僧祇劫，歎其功德亦不能盡。(壬)三釋多所以何以故。謂法性功德無有盡故，



此人功德亦復如是無有邊際。

(巳)二謗毀罪重四

(庚)初謗  
成罪重 其有衆生於此論中毀謗不信，所獲罪報，經無量劫受大苦惱

。 (庚)二誠  
勸止謗 是故衆生但應仰信，不應誹謗。 (庚)三釋  
罪重意 以深自害，亦害他人

。斷絕一切三寶之種。 (庚)四轉釋斷三寶之義二  
初約果人依之得涅槃 以一切如來皆依此法得涅槃

故。 (辛)二約因人  
依之得菩提 一切菩薩因之修行入佛智故。

(戊)三結勸修學

當知過去菩薩已依此法得成淨信。現在菩薩今依此法得成淨信。

未來菩薩當依此法得成淨信。是故衆生應勤修學。 正宗  
竟

(甲)三流通分二

(乙)初結上所說二  
初結義 諸佛甚深廣大義。 (丙)二  
結文 我今隨分總持說。 (乙)二迴向利益二  
初明德廣 迴

此功德如法性。 (丙)二辨  
顯露 普利一切衆生界。